

六九五・史部・地理類

〔嘉慶〕新修江寧府志五十六卷

〔清〕呂燕昭修 姚 鼎纂

26.4/112

嘉慶辛未年冬鐫

新修江寧府志

新修江寧府志序

江寧自宋元明皆有府志

國朝康熙六年知府陳開虞嘗一修之閱今百七十餘年矣新安呂公來守江寧之三年乃重修府志以嘉慶辛未三月開局八月成書又三月而鐫之版其成之速如是是可欣已吾嘗以爲天下之事無不可爲苟有志盡力爲之未有不成者然而世事頽壞不舉舊業

新修江寧府志

序

廢而新功亾者舉目皆是率謂事之巨而難爲爲之而必不可就於是因循推讓而太息於無可如何而烏知其事之實固未必然耶方公之來也欲成此書羣吏以謂舊守賢才多矣而不爲此者固念江寧志之不易爲也公亦以鉅郡事故紛乘未暇遽及而心嘗念之不忘一朝決然造端籌畫開局立法簡而用意密建功不奪於羣言用財無取於屬縣

興廢補缺裒成五十六卷非特使百七十年之事補掇可觀而自宋元明舊志訛謬亦多疏證其是非焉雖其成書過速容有疎漏未及盡備冗文未及盡芟者而大綱固已善用意固已深矣是不可謂智足以謀始而勇足以決成者耶以此推之天下事之利病有待於興革者大抵亦若此矣公之仕也凡數任皆在江南之域其豈弟之實見之政事者固已著於閭巷人皆知之而無待於余言若茲志之修足以勉夫世之畏事不爲而諉之於難爲者余故樂述之以爲天下告云
嘉慶十六年十一月桐城姚鼐序

新修江寧府志

序

二

新修江寧府志序

郡之有志於以周知一郡建制沿革之故典章文物之遺與夫一切戶籍賦役紛隳之務上裨國典下開吏治固守土者所有事也然苟非隨時增修則其間事跡必有傳聞失實漸致湮沒無攷者矣江寧自古爲帝都政跡繁多於他郡爲最撰志乘者尤宜詳備矧

國家累洽重熙賢才名德興起繁夥百餘年來

新修江寧府志

自序

一

聖祖仁皇帝

高宗純皇帝屢幸是土

異恩曠典具頌民間而郡志自康熙七年前守陳公開虞修纂之後閱今百餘年紀載蔑聞鉅典缺如也且陳公修志時因仍宋景定元金陵等志之謬苟相附會不足傳信來茲頗爲大雅之所譏陋余於嘉慶十三年來守茲土心卽以此爲務而惓惓數年猥以年齒就衰

決爲乞休之計私心竊慮余去而此書不成無由遂宿志也爰捐廉俸於今年三月開局於府署之側竝賴一時賢人名士廣搜博訪分類纂修缺者補之訛者正之謬亂者削之凡七閱月而成書五十六卷雖未敢云華實兼賅卽臻美備而觀是書者攷覽山川稽求故實以及名公鉅卿之偉行方土物產之精英鑒古證今粗可憑信差足備大邦之文獻矣余自惟三載於茲毫無建樹竊幸是書克成或可稍裨政治於萬一而補余之過也夫若夫缺略未修之年太久有無可尋訪之事不能盡詳或異日別有可稽糾正訛謬是又賴於後之君子矣

嘉慶十六年八月朔日中憲大夫江寧府知府呂燕昭撰

新修江寧府志

自序

二

新修江寧府志 職名

主修

江寧府知府呂燕昭

河南新安縣人
辛卯科舉人

總修

四品頂戴刑部郎中姚 爾

安徽桐城縣人
癸未科進士

分修

工部主事陳 鶴

江蘇長洲縣人
丙辰科進士

邳州學正陳 燮

江蘇泰州人
戊午科舉人

監生畢訓咸

江蘇武進縣人

庠生黃乙生

江蘇武進縣人

新修江寧府志

職名

一

庠

生史錫祺

江蘇溧陽縣人

分修兼採訪校對事監生嚴 觀

江蘇上元縣人

分修兼校對事庠生管 同

江蘇上元縣人

庠生侯雲石

江蘇上元縣人

分修兼提調事吏部主事朱桂楨

江蘇上元縣人
己未科進士

採訪

監生蔡觀潮

江蘇江寧縣人

候選知縣孫廷松

江蘇上元縣人
戊辰科進士

廩膳生賀 淳

江蘇六合縣人

廩膳生唐肇甲

江蘇六合縣人

校對

庠

生金惠恩 江蘇上元縣人

監

生黃鉦 江蘇山陽縣人

舉

人段榕 江蘇上元縣人

候選

品呂燕瑞 河南新安縣人

從九

新修江寧府志

職名

二

新修江寧府志

凡例

一志內分二十一門曰

天章曰輿圖曰疆域曰分野曰沿革曰古今事表曰山川曰古

蹟曰風俗曰建置曰祠廟曰賦役曰學校曰武備曰

驛遞曰秩官曰名宦曰科貢曰人物曰金石曰藝文

一門而又有數類者則分別紀之文多者分二三卷

文少者合兩三類為一卷

一志內有藝文一類恭惟

列聖巡方屢及江寧荷蒙

新修江寧府志

凡例

一

御藻題識鐫刻珉碑山川增其光華民庶欣其盛事不可僅列

之藝文也近西安揚州志皆特標

天章一門登之卷首今用其例

一舊志有圖紀二卷上卷最多舛謬下卷但畫山水夫

古之郡縣疆域後世本不能盡考但據舊史略知其

東西髣髴而已勢不能為之圖況全不考史而妄為

之圖乎惟見今疆域必須考証分明畫方計里使覽

者可會數百里之形勢若城內官署廟宇為屋幾間

之類此後人所不必知圖之何為至於江寧山水之

勝甲於海內假令有王維吳道子之筆繪尋丈之紙

不知能盡其勝否也況限於數寸而使俗工雕刻爲之乎凡志書有作八景十景圖者大抵虛僞可嗤徒煩紙墨若金陵尤屬無取今將舊圖二卷全刪更計方里而作圖凡爲圖八雖限於數寸之紙不能盡備其纖細然其東西向背遠近界域差可推尋其事爲歸諸有用矣

一沿革當據正史正史所未詳參考他書言必有據若俗說杜撰不敢姑循

一山水一門內分二類山類則岡阜附焉水類則湖堰水利橋道附焉

新修江寧府志

凡例

二

一舊志無物產門謂江寧所產與列郡同是以不載此說非是江寧固有專產之物不同他處者卽如杼軸之興

國家特設織造於此若不歸之物產則奚屬乎

一古蹟一門內分十餘類爲古城古宮古宅苑囿亭觀橋梁墳墓道院僧寺以次列焉

一二氏寺觀繁多不可勝載也其前朝建置有名者入古蹟其見在祀典所及及

翠華巡幸所至者載之祀廟其餘不備錄

一秩官門分兩類前載歷代於此設官及今制官員之

〔嘉慶〕新修江寧府志 凡例

數後以官於此者人名爲年表舊志表內每人下有注文今定列史有傳者但注某史有傳四字其無傳者乃稍載其履歷

一節婦孝女統歸列女門內節婦已蒙

旌者具載其未旌而孫金相節婦錄所已收者或有見聞

真確其家力未能舉亦未入孫錄者亦可附入此等人既繁多不能盡立傳皆大字書名雙行略注其事

蹟於名下

一名賢列傳已見史傳者略存數語云某史有傳不須詳錄未見史者乃稍詳載

新修江寧府志

凡例

三

一六朝帝王卿相雖皆居此然所職者廣大非一郡所當載此名宦內但載揚州刺史建康尹秣陵令之類一藝文一門內又分兩門一是江寧人所撰著之書當存其目以經史子集分之是爲上卷一是人爲江寧地而撰者首卽載歷代志書之名下注存逸是爲下卷至江寧爲古人題咏紀述詩文何啻百卷非志所能盡收且如太白二水三山之句夢得金陵五詠之篇童叟熟誦豈待此志而後聞哉今必其辭有關考核利病之事者附之下卷或附山水等下其無關者雖名賢傑句皆不必錄此是地志非選詩文也

一景定志有事表其文繁碎今以史記年表爲法語必簡括識其大者而已

一自晉南渡北來諸賢皆此地之流寓也若盡載則不可勝載今盡不錄惟琅邪一郡僑寓於此其遷來諸賢宜歸此土矣而王氏乃最盛之族然所居多在吳越不得遽歸於此郡惟顏氏則生居歸老不出此土魯公家廟碑可據也故收之獨詳

新修江寧府志

凡例

四

新修江寧府志目錄

第一卷

天章一

第二卷

天章二

第三卷

輿圖 疆域 分野

第四卷

沿革

第五卷

新修江寧府志

目錄

古今紀年事表

第六卷

山水一

第七卷

山水二

第八卷

古蹟一

第九卷

古蹟二

第十卷

古蹟三

第十一卷

風俗物產

第十二卷

建置 城池 行宮 官署 雜置公所

第十三卷

祠廟

第十四卷

賦役一

第十五卷

新修江寧府志

目錄

二

賦役二 糧運關稅附

第十六卷

學校

第十七卷

武備 兵制 江防 馬政

第十八卷

驛遞

第十九卷

秩官

第二十卷

秩官表一

第二十一卷

秩官表二

第二十二卷

秩官表三

第二十三卷

秩官表四

第二十四卷

秩官表五

第二十五卷

新修江寧府志

目錄

三

名宦一

第二十六卷

名宦二

第二十七卷

名宦三

第二十八卷

名宦四

第二十九卷

科貢表一

第三十卷

科貢表二

第三十一卷

科貢表三

第三十二卷

科貢表四

第三十三卷

科貢表五

第三十四卷

人物 儒林

第三十五卷

新修江寧府志 目錄

四

人物 敦行一

第三十六卷

人物 敦行二

第三十七卷

人物 忠義

第三十八卷

人物 仕績一

第三十九卷

人物 仕績二

第四十卷

人物 文苑

第四十一卷

人物 隱逸

第四十二卷

人物 流寓

第四十三卷

人物 技藝

第四十四卷

人物 列女一

第四十五卷

新修江寧府志 目錄

五

人物 列女二

第四十六卷

人物 列女三

第四十七卷

人物 列女四

第四十八卷

人物 列女五

第四十九卷

人物 列女六

第五十卷

人物 列女七

第五十一卷

人物 仙釋

第五十二卷

金石一

第五十三卷

金石二

第五十四卷

藝文一

第五十五卷

新修江寧府志 目錄

藝文二

第五十六卷

藝文三

六

新修江寧府志卷之一

天章

古者望秩肆覲五載時巡論樂配靈四時咸聽堯章舜樂夏諺周頌炳炳麟麟遐哉尚矣我

朝自

聖祖仁皇帝省方問俗於江寧之城

翠華六莅逮

高宗純皇帝遵

祖成憲斯土士氓亦六瞻

日月之光江寧爲古都會名山勝蹟琳宮梵宇荷蒙於

新修江寧府志 卷之一 天章

清問之俯駐兼

兩朝御藻之畱題碑珉流傳星輝雲爛非尋常金石藝文所可

例視也敬分二卷登諸編首以誌此方之大幸云

聖祖仁皇帝御製

詩

金陵舊紫禁城懷古

秣陵舊是圖王地此日鸞旂列隊過一代規模成往蹟千秋興廢逐流波宮牆斷缺迷青瑣野水灣環剩玉河治理艱勤重殷鑒斜陽衰草繫情多

燕子磯夜泊

巍峩一片江頭石千載人傳燕子磯疑有龍鼉藏窟宅時聞
鐘磬出山扉牙檣緩住寒煙淨羽衛周連夜火圍沙岸聲聲
動行漏蘆花深處雁驚飛

賜江寧文武將士宴於教場

瑞雲捧日曉初晴麗景天開羽仗明扈蹕糾桓多絳灌分行
俊譽盡瓊珩三漿滿浥沾須徧五載南巡澤再傾文穆武恬
慚化理萬方無事宴昇平

再過明故宮

樓臺金粉已沈銷不獨詩人說六朝月落宮垣春寂寂經過
惟歎草蕭蕭

新修江寧府志

卷之一 天章

十一

江寧駐蹕

並序

江寧士民羣詣行在爭獻米穀兼羅果蔬涕泣請留屢諭不
止俯徇億兆之願勉遲信宿之行

心勤民隱獨諮諏不爲江山作勝遊白下回鑾期已近黔黎
擁道欲何求多憐野老堆盤獻勉就輿情兩日畱二十八年
宵旰意豈圖遠邇慕懷柔

後湖

淼淼長湖水春來發綠波飛鳴下鳬雁朝暮集漁叢

登報恩寺浮圖

湧地千尋起摩霄九級懸琉璃垂法相翡翠結香煙締造人

功巧流傳世代遷曠然彌遠望萬象拱諸天

駐蹕江寧偶述

雲覆輕陰雨淨塵南巡又隔一經春山河舊數陪京重士庶
今看沐化淳古巷烏衣人已換芳洲白鷺跡成陳元元億萬
咸安樂教養休和屬大鈞

過明太祖陵有感

拔起英雄草昧間煌煌大業豈能刪玉魚金枕雖無故煙霧
低迷獨愴顏

月夜登燕子磯

石勢疑飛動江濤足下看天空來皎月風定欽奔湍綠樹燈

新修江寧府志

卷之一 天章

十二

光亂蒼崖夏夜寒經過觀形勝往往駐鳴鑾

花山

警蹕來初地青山鳥道深風生松澗合雲暗石苔侵靜晝飛
閒蝶餘春噪晚禽空畱支遁跡物外託宸襟

貢院考試歎

人才當義取王道豈紛更放利來多怨徇私有惡聲文宗濂
洛理士仰楷模情若問生前事尚憐死後名

文

過金陵論

金陵禹貢揚州之域秦立郡縣爲秣陵兩漢因之孫權時稱

建業東晉及宋齊梁陳地號佳麗隋唐之間六朝舊跡漸致湮沒南唐李氏始更築城名金陵府明有天下建都於此窺明太祖之意以爲宅中圖大控制四方千百世無有替也歲在甲子冬十一月朕省方南來駐蹕江寧將登鍾山酌酒於明太祖之陵道出故宮荆榛滿目昔者鳳闕之巍我今則頽垣斷壁矣昔者玉河之灣環今則荒溝廢岸矣路旁老民踈而進曰若爲建極殿若爲乾清宮階礪陛級猶得想見其華構焉夫明太祖以布衣起淮泗之間經營大業應天順人奄有區夏頃過其城市閭閻巷陌未改舊觀而宮闕無一存者觀此興懷能不有吳宮花草晉代衣冠之歎耶昔人論形勢

新修江寧府志

卷之一 天章

四

之地首推燕秦金陵次之然金陵雖有長江之險爲天塹而地脈單弱無所憑依六朝偏安弗克自振固歷數之不齊或亦地勢使然也明自文皇靖難之後嘗以燕京爲行在宣德末年遂徙而都之其時金陵臺殿苑囿之觀聲明文物之盛南北並峙遠勝六朝迨承平既久忽於治安萬厯以後政事漸弛宦寺朋黨交相構陷門戶日分而士氣澆漓賦歛日繁而民心渙散聞賊以烏合之衆唾手燕京宗社不守馬阮以鬻僞之徒託名恢復僅快私讐使有明艱難創造之基業未三百年而爲邱墟良可悲夫孟子曰天時不如地利地利不如人和有國家者知天心之可畏地利之不足恃兢兢業業

取前代廢興之蹟日加儆惕焉則庶幾矣

匾額

曠觀 登觀星臺望元武湖

治隆唐宋 明太祖陵

接統濂溪 明道書院

欣然有得 朝天宮

訓忠堂 賜原任工部尚書熊一瀾

謹按上元縣志載康熙二十三年至四十六年南巡御製得詩十一首論一篇匾額四處又於貢院石刻得考試數詩一首朝天宮匾額五處敬登恭錄得御製詩十二首文一篇匾額五處敬登首簡

新修江寧府志

卷之一 天章

五

高宗純皇帝御製

詩

句容道中作

路舍舟而騎俗規漓與麗紅圍山下墅白間柳邊江寺僻僧常獨春深燕每雙明朝臨建業訪古六朝邦

江寧駐蹕恭依

皇祖詩韻

下民疾苦厘清詠晏處遑安慎一遊

祖德巍巍期仰法俊才濟濟切劬求試江南生監於六朝文物會城將加錄用

資憑攬數日

慈寧奉豫畱問俗平康宜正直無須式克用剛柔

過明故宮

六朝崇構早摧殘基剽明宮煙草寒木鳳已聞翔北闕明至百餘年且在明則猶南京也不宜荒廢至此傳聞成祖建北京時移宮殿鉅材北上以備營建故柱礎石發無恙惟木則無存此或信然石鯨無恙枕春瀾胡寬巧思真重觀宮殿規制與北京同蓋北京本取式於鄒緝忠言信不刊遷成都者周監此猶新豐之不改市肆也在殷殷監夏凜然動念慘然看

報恩寺六韻

路問長千里聲傳古寺鐘城頭瞻塔鳳溪口渡橋龍宛識清涼近真看瑞靄濃金輪三國始雁堵九霄重祝

新修江寧府志

卷之六

天章

六

蝦香花列

南省紳士於此建壇恭祝皇太后萬壽

慈寧無量壽長願過喬松

登報恩塔作歌

登塔有會心成句從塔下借問登時何不書攀躋應接真無暇我懷杜老登慈恩仰穿始出步步真當年筆硯誰供奉英雄未免還欺人七星北戶江西流天風入耳聲颺颺金陵自昔帝王州至今遺蹟歸浮休怪底禪宮標宰堵應令心空萬古愁

雨花臺

崇岡跋馬晚春晴憑覽遺臺觸慨情便果雲光致花雨可能

末路救臺城

謁明太祖陵

金陵莅止爲巡方展謁龍蟠奠桂漿保護遺規崇勝國紹承家法禮前王開基洵是過唐宋繼業無能鑒夏商形勝不須矜壯麗惟

天佑德慎周防

閱兵

曉暝晴午麗光春暎日晶晶組練陳天塹長江稱地利省方要務重安民放牛歸馬承平久踞虎蟠龍指顧新我適孝陵

新修江寧府志

卷之六

天章

七

登雞鳴山卽事

鍾阜西去堆翠崖丹梯宛聽天雞啼元武湖光上眉睫金陵春色怡曾懷江山不厭城郭占閭閻半與桑麻皆曠觀臺畔瞻

天藻烈竝崇峯詎可階

清涼山

宛轉溪流仄徑長青雲五里夾松篁凌虛全覽秣陵景過剎剛消貝葉香城枕石頭低野色渡連桃葉澹煙光微名無實兼名泯參到清涼意亦忘

題太平箭

金陵太平門其左扇一箭飲羽又餘箭痕者二爲順治年間取江寧時澹臺都統所射駐防人不忍湮其蹟故常整緝存之經過竭覽輒成近體

人心天命向清時江表安能一木支況復處堂仍燕樂福王於明

亡之餘南奔金陵仍與阮大誠等日以聲伎爲樂云豈能怒臂拒雄師鷹揚三箭皆飲

羽烏合千軍盡倒旗應勝天山樹邊績英名常共石城垂

元武湖卽景雜詠

太平門外進蘭舟元武湖中撰勝遊款乃漁歌出蘆渚台怡

花影漾沙洲

鏡涵春水一篙深白芷青蒲刺碧潯卻怪橫峯礙蘭漿雞籠

新修江寧府志

卷之一

天章

八

晴翠落波心

璿池昔亦號昆明遺跡蕭齊入品評畱得六朝風月在鷗波

依舊照人心

燕子磯

當年聞說繞江瀾撼地洪濤足下看卻喜漲沙成綠野煙邨

耕鋤久相安

永濟禪院花笑軒小憩

梯巖白閣靜籠戶綠筠幽花事春將暮樹姿陰已稠生憐早

鶯轉聊爲老僧畱默默和尚年一百一歲屬念於何許雲停江水流

觀音山

玲瓏懸峭壁漩復帶長江幕府遙開嶂樓船正挂簷濤聲在几席煙景罨軒牕葦渡西來意長明珠殿鉅

賜永濟興洞和尚興洞別號默默年五十始出家今百有一歲矣清健如少年故爲句以賜之

之

不會詩文不解禪果然默默以全天半生塵世半生佛可號

山僧可號仙

靈谷寺六韻

蕭梁靈谷寺昔據獨龍中明卜元宮址新移碧嶂東於今四

百歲不改八禪風墨巖攢雲殿雕瓊敞月宮蟠階松蓋翠倒

井荷銷紅佛地何興廢憑教萬慮空

新修江寧府志

卷之一

天章

九

曲水用謝惠連韻卽效其體

樂遊古名苑問在城東郭過已尋曲水饒春餘修薄時三月廿七日

懷古緬觴詠徵今祗泉壑行漏促歸轡煙林噪午爵

聞織機者有作

皇祖勤民務早題耕織圖親看成帛者更惜授衣夫經緯絲無

素朱黃素後殊雲門土鼓始大布慢嫌麤

寶華山慧居寺

松逕飛花雨香臺霽法雲範銅輝傑閣鏤玉隱蜚文寶誌名

長在梁皇懺尚聞芳巖舞錦并仙籟韻瓊簣誰識隆昌舊從

來名象紛澄觀忘萬慮小坐亦堪欣

麥秀

數日好晴催麥秀南方候早信今徵茅簷自覺收堪待蒸肆
遙知價不增比隴懷新承露潤望秋欲實待煙凝花邨柳陌
尋常攬愜意今朝喜絕勝

高資港

孝陵未讀柳州論繼世旋看禍亂紛詎可長江恃天塹早教
高港覆舟軍金川守禦終無濟瓜蔓誅夷不忍聞一死齊黃
難贖罪獨憐氣節在斯文

長江夕照歌

借問長江源及委蓋與朱日爲出入浮玉崢嶸接東西寅賓

新修江寧府志

卷之一

天章

十

寅餞惟中立是時萬里無微風鱗雲映江江面紅鯨宮鮫室
朗欲徹楚山蜀塞渺何窮布帆來往紛紛者振柁不較風上
下北人使馬南人船各有所長語非假金波浮沈金彈子將
謂曦輪碾其底璿璣九萬且其論明朝試看扶桑始

遊棲霞山

第一金陵明秀山所欣初遇足空前畫屏雲罨紫峯間乳竇
春淙白鹿泉梵業鐫碑尚隋代淨因捨宅自齊賢更誰鑿壁
名紗帽只恐平原意未然

紫峯閣

一峯傑豎嵌崖巔綺靄凝嵐秀撲筵不是匡廬瀑簾側也應

名託李青蓮

春雨山房

山房號春雨雨景一斟酌萬籟靜益悠諸峯翠如濯煙絲織
空羅雲片張油幕農夫早歌舞行路來憩樂輾然笑子瞻曾
是道弗著

太古堂

水態將山致都規唐氏詩何當獨萬慮來度小年時

駐蹕棲霞行宮作

建業路猶西棲霞適可棲聲名冠白下樹木見蕭齊一宿誠
多費諸峯率入題山房春雨足春雨山房是處舊名也頗望霽光霽

新修江寧府志

卷之一

天章

士

面勢延清曠林巒景未藏流銀響琴瑟依綠撫琳瑯藻繪信
何有茅茨覺倍強漫重舉僧紹傲志恐無當

遊攝山棲霞寺用尹繼善沈德潛倡和韻

久聞攝山名秀如玉而冠僧紹小隱處高節古今羨拔地百
州丈堯峯凌碧漢嵌山皆在下如翁視童叟畫石及落星厯
厯皆可按圖經昔羶薌久矣繫清戀茲來緣省方乘暇遊禪
院蘇民厘解澤對佛愧止觀咨爾肆觀牧峻宇何須辨
山房號萬松屨步尋深逕孫枝貌已蒼側餘形猶正何況古
喬者孰不見生敬幾赦斧斤劫益凜冰霜性拂星自成景吐
雲應號慶倕侄曾遺堯養真稱戰勝又如商伯夷乃得清之

聖層臺一登臨民瘼當前凭元氣復也無謾濤何心聽

古人亦有言枕流而漱石不可無此意愛斯涼復峇懸崖仲璋琢其佛四十尺松撐雲態破竹迸埒形圻盤挈互膠輻如蓋亦如帟可以謝棟梁永此安巖壁峯迴路轉處化身更千億既不辨異同誰更分主客深泉得品外盤陀聊憩息軒渠笑陸羽未遇此真脈

跑曾聞有虎名得因逢鹿每吐雲英英亦浸月漉漉其始乃何年太古此澗谷蘇痕石縫間細注纔漩狀聞自候停蹕階下宛成瀑斯事屬偶然不必稱更僕儻來還儻去誰歟享清福迴首語山僧付爾聽真筑

新修江寧府志

卷之一

天章

主

成巨流飛瀑奔注冬夏不竭云

昂首最高峯巉巖拾級上藥草堪攝生含芳襲人賞北睇見大江顚氣涵漫滌吾懷與之如廓然坦蕩蕩忽憶東坡翁赤壁曾獨往俯憑夷幽宮長嘯發逸響其氣蓋古今其景融機象斯遊可同乎吾惟企遐想

藉聞夏諺中遊豫緣何事江國災殷餘如傷猶未置嗟爾在位者孰非民攸堅邇來間閭況畧悉巡春騎縱云免溝壑未稱富蔣芟矧茲乃所見寧無未見際供奉爾勿勞徒勞亦奚異踏閭便遊山間挈詩人僊索觀廣其章匪侈詞華麗

山間工沈德潛借往故有此作

萬松山房

萬松春曉坐山房雨後千峯濯翠光因迴爲高步入古受宜得趣意延涼閒聽倚巖濤翻鬣極眺鋪肝浪擺芒詎事遊山欣愜賞爲民額手慶宜陽

幽居庵

綠雲深處結屋號幽居不辨明

僧張環

昔真堪師友予羣峯圍峭精叢桂映扶疎想見伊人致徜徉賦遂初

登最高峯望江放歌

坐井者不可與觀天窺隙者不可與決關鵬圖南技窮於居籠騷空北術乏於見囿得逸於勞見遠於高苟不造極安識

新修江寧府志

卷之一

天章

主

括苞吳頭楚尾雲島風潮上下億計劫東西萬計里魏吳相割據金宋互興圯一枕覺槐陰渺乎其小矣謾謾天風拂鬚盪胃濤聲入耳砰磕鏗鏘收帆息機羣避蛟龍孰知坐峯頂者豪吟虛閣之中霽光下照彌平野茶黃麥綠真宜農

太虛亭

太虛亭上縱遙目一片晴光千里俱快意不關林壑美卻因農慶憶杭蘇

登燕子磯觀江

峭壁捍長江探奇勝絕雙目窮空宇合耳駭雪濤淙駁鳥瑞殷祖泥駒造宋邦從來稱守德天塹詎斯從

遊觀音山永濟寺

濱江得初地插漢俯諸天鐵鎖連飛閣金繩闌福田濤聲風裏立花色雨中燃默默今何在彼寧非大年默默和尚住此寺年過百矣辛未南巡時尚覽錄出迎今已示寂云

駐蹕江寧作

龍蟠虎踞古神區展義觀民六轡紆詎彼迤南山水境日茲監夏帝王都春前耕植羣猶力災後鄺闌氣幸蘇解澤有何遍黎庶憐他愛戴不謀俱

金陵鳳凰臺用李白韻并效其體

爲諸侯度重豫遊飛舸日渡長江流鳳臺忽復逢此地東平

新修江寧府志卷之一 天章

古

憶昔登齊邱去歲東巡過東平亦有鳳凰臺會雷詩九成自非虞帝陞六苞那

見秦淮洲塢和謫仙想懷抱人則何往徒生愁

泛舟後湖攬古

太平門外蔣陵湖春波演漾含新蒲鳴榔煙水入深處濯清因以爲清娛憶昔繁華樂遊苑穿池肄武陳舳艫熙寧洩水號清因實與青苗意不殊勝朝乃復事開浚洲上置庫藏輿圖即今陂沼靜無事魚蝦者往同民俱輕舟自謂忘機矣何乃紛飛鷗與鳬

大報恩寺

南朝四百八十寺惟有建初真最初步長干巷尋覺路想赤

烏年創佛廬放燭天光鎮如彼登凌雲頂記曾子拾級聳眸姑且置千秋興廢慨憑餘

雨花臺口號

崔巍雨花臺蹟傳梁武帝雲光講經致雨花臺城不救嗟何濟文殊問訊維摩處乃有天花散天女一之爲甚可再乎著者空搥塗毒鼓

秦淮歌

祖龍東巡歷王氣通淮鑿斷方山球癡心慮後五百年詎知亾秦在二世長源因此名秦淮縈紆建業達江隈時塞時疏異沿革秣陵終免淮爲災六朝往事難尋迹王謝燕飛誰氏

新修江寧府志卷之一 天章

五

宅風流江令倦遊歸惟見秦淮依舊碧楊吳竊據築金陵清波溶溶乃貫城十六紅橋夾兩岸蜀嬌越豔揚新聲千金買笑輕一擲纏頭錦是寒女織會稱盒子門新奇薛鴨袁羊飣珍食而今功令禁俳倡歌樓舞館都荒涼煙花麗景縱遜昔痺邪敦樸誠良方

賦得鴻漸于陸得時字五言八韻江寧試士子題

懿彼三同鳥玩茲上九辭陵終莫之勝羽可用爲儀胎產則成幻天冲或有時去容郭瑀指來必季卿隨鳬乙任呼爾毳毛豈恃其稻粱原得致矰繳底須施薄漢雁斯後載旌騎早知寄言觀國者尚勵賁來思